



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illvstrivm Virorvm Poemata

Cesarini, Virginio

Antverpiae, 1662

Virginii Caesarini Vita.

urn:nbn:de:hbz:466:1-7990

qui
E-
Ma-
oëta
con-
nge-
tam
per-
in.

IR-

VIRGINII CÆSARINI VITA.



væ de Virginij Cæsarini ingenio, moribus, studijs, disciplinâ, fortunâ, totoq; vitæ cursu, non ab rumore vulgi, neque à Rhetorum laudationibus accepimus, sed à viris grauibus, & ab omni affectu liberis, qui adhuc supersunt, quiq; Virginium vsu quotidiano cognitum habuerunt; ea nos, sicuti narrata, acceptaque sunt, simpliciter, pro nostrâ, & argumenti naturâ, fideliterque trademus.

Natus est Romæ die xx. Octobris anno M.D.LXXXV.patre Iuliano,Ciuitatis Nouæ Duce, matre Liuiâ Virginij Vrsini filiâ. Vtriusque autem parentis genus, generisque dignitas & potentia clariora sunt, quam ut scriptoris operam, lucemque desiderent. Fratres habuit maiores quidem natu Ioannem Georgium, qui patri in Ducatu successit, & Alexandrum, qui posteà Cardinalis creatus est ab Urbano Octauo, minores autem Ferrantem, vtriusque Signaturæ Referendarium, ac Petrum, militem Hierosolymitanum. Propinquitatibus verò multis magnisque floruit;

floruit, à matre præsertim. Nam præter Vrsinam gentem, Beatrix, Cornelia, & Catharina Litiæ sorores nuptui traditæ, cùm suis, tum suorum filiorum coniugijs Sfortias, Columnas, Corneos, Pallauicinos, Maluetios, Altempios, Cæsios, Borromæos, Madrutios, aliasque subinde veteres familias & locupletes comprehenderant. In Virginio igitur eximia ab ineunte ætate indoles, & ad studia literarum singularis alacritas apparuit: adeo ut Bonifacius Cardinalis Caietanus, acri vir, ut omnes sciunt, perspicaciique iudicio, septennem adhuc puerum cùm tractaret, ad omnia summa natum diceret, & incredibiles progressus in literis, si institutio accederet, augurari soleret. Celebre est, ac penè in consuetudinem prouerbij venit, nihil Romanis pueris festiuus, nihil elegantius fieri posse: promptos, sagaces, dicaculos, ingeniosos, ad omnia disciplinarum genera mirè factos videri: ubi adoleuerint; concidere sæpè vim illam omnem, ardoremque animorum, & quasi Circæo aliquo poculo repente mutatos, alios planè sensus, aliam sibi mentem induere. Veréne id, appositeque dicatur; an à Transalpinis hominibus, vetere erga Romanos odio, falso iactetur, nihil labore. In Virginio certè aliter se res habuit, ut posteà intelligemus. Nouem fermè natus annos Parmammittitur cum Alexandro fratre, quò procul à paternis delicijs, adeoque ab ijs occasionibus, quæ mentes adhuc teneras, & ad magna surgentes plerumque enecant, intentiorem ad studia animalium

mum adjiceret. Antelata autem ceteris vrbibus Parma, cum ob celebritatem illius Academiæ excellentibus in omni disciplinâ magistris, Ranutij Ducis operâ, florentissimæ, tum ob auiam Farnesiam: quo etiam nomine Ranutius venientem Virginium libenter domum suam recepit, & pro eâ, quæ intercedebat, coniunctione, benignè liberaliterque habuit, quoad eâ in vrbe est commoratus. Mansit autem ibi quinque plus minus annos: intra quod spatium non solum ea omnia arripuit, quibus ad humanitatem informari solent ingenui adolescentes; verum etiam totius Philosophiæ cursum confecit, præceptore Auanzino, qui Iacobi Zabarellæ in Gymnasio Patauino discipulus, Peripateticæ disciplinæ ludum in Parmensi aperuerat: tantâ quidem cum laude, ut condiscipulos & percipliendi celeritate, & disputandi solertiâ longo interuallo omnes anteiret. Nec institutum interea iter retardauit infortunium, quod illi accidit. Nam dum inter æquales in equestri ludo se exercet (quod vnicum habebat à studijs laxamentum) refractarius equus, cui erat impositus, iuueniliter exultantem, & superbè nimis imperitantem excussit, adeoque grauiter solo illisit, ut pluribus locis crure confracto, præ dolore sensibus pœnè omnibus destitutus, ultimum vitæ discrimen adiuerit. Quem casum maior etiam paullò post calamitas exceptit, Chirurgi imperitiâ. Cum enim post duos menses, quam decubuerat, experiri vellet, an recte adhuc consistere pedibus posset,

posset, adeò perperam ac distortè conglutinata tibia apparuit, ut eam denuò perfringere necesse fuerit, & in eum statum reuocare, quo ante curationem fuerat, quò rectius conualefceret, accersito ab Issæo vsque lacu, in Venetâ regione, probatæ artis Chirurgo. Horret animus eos cruciatus cogitare, qui denuò tolerandi Virginio fuere; qui tamen illos eo animi robore tulit, eaqué constantiâ, quam in viro confirmatæ iam ætatis & sapientiæ non requiras. Igitur, vt eramus aggressi dicere, tantum abfuit, vt propterea studiorum suorum cursum intermitteret, vt per totum illud tempus, quo in lectulo confixus iacuit (iacuit autem integrum propè annum) nihil ageret aliud, quām vt cum viris doctis sermonem de literis institueret, præcipue verò cum Patribus Soc. IESV, qui ei frequentes, & ad omne prompti officium assidebant. Quorum quidem viuendi ratio & institutum adeò Virginio arriserant, vt non semel de illorum amplectendâ militiâ cogitarit: eamque animi illius propensionem perpetuam atque constantem posteà aperuit vltima ipsius voluntas, qua Ignatiano habitu efferri se velle cauit in testamento. Ea curatio cùm post mensem undecimum exitus tandem prosperos habuisset, eosque iam progressus fecisset in literis, quos operæ pretium esset in aspectum lucemque proferre, Romam, in eunte adolescentiâ, Virginius reuertit, vbi magnum sanè virtuti suæ theatrum inuenit paratum. Nam ingens hominum animos cupidio incesserat videndi cominus, & periclitandi

clitandi ingenij, de quo tam multa, tam præ-clara omnium sermone afferebantur: erantque non pauci, qui suspicarentur, in adolescentulo primariæ nobilitatis, & morum formæque elegantiâ commendatissimo, efferri plus æquo omnia: ita verò solere fieri, vt qui alijs in vribus maximo in pretio essent, & laude ingenij ceteros mortales anteirent, Romæ ita decrescerent, vt vix aliquo in numero haberentur. Virginius tamen aduentu suo ita confirmauit rumores, qui de ipsius virtute atque ingenio percrebuerant, vt nihil iam in Vrbe esset eius nomine clarior; essentque in eum, tamquam in aliquem ex veterum annalium memoriâ, conuersi animi & studia ciuitatis. Siue enim priuatis eruditorum colloquijs de re literariâ sermo esset; siue in scholasticorum, quos vocant, arenam descenderetur; magna vbiique eius doctrina, magnum acumen, & fertilitas ingenij eminebat. Hæc autem efficiebat etiam gratiora præter generis claritudinem suauitas oris, formæque dignitas. Quibus accedebat actio efficax, & sonus vocis elegans, & ad aurium voluptatem accommodatus; ingenuus prætereà quidam pudor, & candor animi, pari cum huminitate erga omnes, & facilitate naturæ. Nam ad id quidem quod pertinet, extat inter eius scripta Satyra elegans, quâ acriter carpit, vel potius irridet nobilium quorumdam inficitiam, qui existimationem dignitatemque nominis, quam solidis ornamentis, ac verâ virtute non possunt, ostentatione

R

tione

tione generis ac potentiae, & insolentis animi fastu consequi volunt. Nec parum momenti habebat ad plausum laudemque Virginio conciliandam senilis quædam in primo ætatis flore maturitas, non illa quidem austera ac tristis (nam hiliora nonnumquam conuiua & congressus amabat, eratque in iaciendo, mitten-
doque ridiculo perurbanus) sed quæ adolescen-
tem deceret literis impensè deditum, & ab insi-
tâ animi generositate non fluxa, & præsentia,
sed ad memoriam illustria, & æterna respicien-
tem. Fefunt, cùm ab æqualibus ad insigne spe-
ctaculum inuitaretur, quod totius Vrbis con-
cursu celebrabatur, se verò id facturum negas-
se, nec eo se crimine velle adstringere, vt quo
temporis spatio posset Olympicis, Nemeis,
Circensisbus ludis, &, si liberet, etiam Florali-
bus, sine ullo incommodo aut strepitu domi-
suæ interesse, mallet imperitorum artificum
nugis, quantumuis sumtuosis, inter tumultus
& vulgi angustias, oculos atque animum prosti-
tuere. Maximos præterea clamores excitabat
memoria, quâ ita Virginius pollebat, vt inte-
gras sæpè Scriptorum paginas, pro re natâ, re-
citaret; & ubi intereslet publicis disputationi-
bus (intererat autem ferè quotidie, certatim in-
uitantibus ijs, quorum ea sollemnitas erat, quâ
tanti Viri præsentia illustrior fieret) effetque vel
eleuandum aduersarij dictum, vel suum con-
firmandum, sexcenta Aristotelis loca proferret
ex tempore, ijsdem pænè verbis quibus reddita
fuerant

fuerant ab interprete : nam Græca adducere, nec moris est apud nostros homines, & ipse (institutum enim tenebo , nec alios patiar falsas Virginio laudes appingere) non nisi leuiter attigerat Græcas literas. Itaque cùm acerrimo ingenio parem memoriam, quod perrarò accidit, fortitus esset , & tempus omne , quod reliquum esset ab officijs ad tuendam vitam necessarijs, tereret in commentationibus , & tractatione librorum , breuî omnis reconditæ exquisitæque doctrinæ scientiam ita comprehendit, vt admirationi esset vniuersis , nec iam se intra Italiam contineret illius gloria , sed mare & Alpes præteruecta longè se ad vltimas terras , lateque difunderet. Cardinalis quidem Bellarminus (quem virum parùm consideratè quicquam , aut ad asfentionem dixisse vel fecisse vñquam , nefas esset suspicari) solitus erat dicere , videri si bi Virginium alterum Picum Mirandulanum, eum qui ob excellentiam ingenij , & doctrinæ, phœnix est nuncupatus. Quod sanè dictum & probabatur in vulgus , & vtriusque genus , mores , formam , ingenium , studia , exitum ipsum vitae ex æquo comparanti haud multum absonum à vero reperietur. In cuius rei fidem subiçimus numisma, ex vnâ quidem parte duobus phœnicibus insculptum , ex alterâ verò totidem imaginibus affabre ductis, & extantibus; quarum prior Ioannem Picum, Virginium Cæsarinius altera referebat.

R 2

Idem



Idem Cardinalis Virginio auctor fuit, ut tantam rerum optimarum scientiam, ingenijque præstantiam, quæ sibi diuinitus contigisset, ad ipsius Dei gloriam, & generis humani fructum conferret, scribendo librum, in quo vberioribus argumentis, quam ceteri fecissent, magisque ad sensum permanantibus, omnem dubitationem tolleret de immortalitate animorum, ad reuincendam illorum pertinaciam, qui sacrarum literarum testimonio hac in re minimè acquiescerent. Et sanè multa in id argumentum Virginius iam collegerat, colligebatque in dies, quò omnia suo tempore recte & ordine digesta luculento volumine complecteretur; nisi præmatura postea mors egregium Opus, quemadmodum alia multa quæ moliebatur animo, intercepisset. Inter hæc non neglexit Iuris quoque scientiæ, cuius Consultus fuerat Parmæ sollemniter appellatus, operam dare, coacto etiam stylo, quo ceteroqui castigato vtebatur, accommodare se formulis corruptæ Iurisprudentiæ. Veruintamen longè maior

maior illum voluptas ad mitia Musarum studia,
& flagrantior cupidus rapiebat, hominem præser-
tim non tam honorum & potentiae, quibus vul-
gares animæ usque ad insaniam capiuntur, quam
laudis & gloriæ, quam magnæ mentes & erectæ
imprimis ducuntur, appetentissimum. Quam-
obrem, valere tandem iussis leguleitorum fori-
que clamoribus, iterum se liberalioribus literis
totum tradidit, Theologicis præsertim, ac Phi-
losophicis: quarum primas cum sacræ historiæ,
Canonum, Conciliorum, ac Patrum cognitio-
ne coniunxerat; in ultimis vero, Doctore & Ma-
gistro Auanzino, de quo supra memorauimus,
ita usque ad illud quidem tempus Peripatetico-
rum sectæ adhæserat, ut ab eorum placitis vel la-
tum vnguem discedere religio illi esset. Verum
vbi versari familiarius cœpit cum Federico Prin-
cipe Cæsio, eiusque auctoritate & consilio in
amicitiam se dedit Galilæo, Ioanni Ciampolo,
alijsque eius disciplinæ hominibus, qui è cælo
se deuocasse gloriabantur veram ac germanam
philosophiam, hoc est, aliam planè ab eâ, quam
Aristoteles tradidisset; primò quidem oblixtari
acriter eorum dictis, deinde vbi quotidianus fer-
mo argumenti insolentiam cicurauit, haud gra-
uatae aures, postremò etiam manus dedit. Itaque
veteris militiae desertor & transfuga, ut sunt iu-
uenum ingenia cupida rerum nouarum, transi-
tum fecit ad castra Lynceorum (id nomen A-
cademiæ fuit) quorum erat institutum inusita-
ta rerum quæuenta, quæ terris, quæ cælo accide-
rent,

rent, in disputationem vocare, causas sedulò
indagare, & eorum obseruationibus, alijsque
experimentis, veterem omnem philosophiam,
Aristotelicam in primis euertere. Ex eo numero
qui esset, quasi familiæ suæ tesseram ambitioni
vocabuli conuenientem, gestabat dìgito annu-
lum, lynce insculptum, quo significabatur, esse
eos in rimandis naturæ arcanis perspicacissimos.
Hæc porrò Academia auctorem habuit eum,
quem diximus, Federicum Principem Cæsium,
literarum amatorem potius, quam peritum,
mansitque tamdiu, quamdiu vixit auctor suus,
qui illam quasi satam à se arborem omni offi-
cio industriaque colebat. Verùm eo mortuo,
cùm Academici nullas haberent certas sedes,
nec ceterarum Academiarum morem sequeren-
tur, statis diebus in vnum conueniendi, sed
vnico nominis splendore, & annuli mysterio
omniseorum disciplina contineretur; breui Lyn-
ceorum memoria ita extincta est, vt eorum ad
ætatem hanc nostram vix tenuis aura peruen-
rit. Præter Galilæum, & Ciampolum, coluit
quoque Cynthium Clementem eidem sectæ ad-
dictum, & insignem eâ tempestate Medicum.
Ab eo Virginius Chimicis sacris initiatus ver-
sari cœpit attentiùs in eius artis experimentis,
quibus præcipue Aristotelis fundamenta con-
uelli putabant. Eaqué ipsa experimenta con-
uertit postmodum à destruendis Peripatetico-
rum placitis ad fulciendam valetudinem suam,
quæ iam & assiduo labore in studijs, & habitu
corpo-

corporis gracili , propensoque ad maciem,in de-
terius quotidie prolabebatur. Verum hic quo-
que conatus , sicut alia multa quæ periclitatus
fuerat medicamenta , irritus fuit , in dies magis
magisque superante vi morbi. Cuius rei cum
omnem culpam (vitio generis humani) confer-
ret in inscitiam Medicorum, inuehi vehementer
eâ occasione solitum ferunt in insaniam tempo-
rum nostrorum , quibus ars illa , cui valetudi-
nem nostram vitamque credimus,tamquam hu-
milis & plebeia , digna iudicaretur , in qua illi
fermè elaborarent , qui nullas vererentur viola-
re maiorum imagines , quique tenuitate ple-
rumque rei domesticæ prohiberentur operam
dare studijs ac disciplinis ad eam probè tractan-
dam necessarijs ; instrumenta fundi, pascua, no-
mina , supellex , à viris honestissimis , patricijs
que vendicarentur. Igitur cum alterius cæli præ-
sidium , reliquis omnibus frustrà consumtis,
experiri constituisse, Bononiam iter intendit,
non quòd situm illius vrbis maximè opportu-
num duceret valetudini suæ , placidum alioqui
temperatumque cælum desideranti; sed quòd in
Bononiensi Gymnasio mereri stipendia dice-
rentur Medici præstantissimi , nec deessent li-
terati viri , sine quibus , vt cetera adessent om-
nia , videbatur sibi Virginius in solitudine lu-
etuque viuere. Sed interceptus in itinere ab
amantissimo sui Principe Cæsiō,Aquamspartam
Cæsiæ gentis oppidum propè Spoletum diuer-
tit, mansitque ibi aliquot dies magnâ , quantum

R 4

qui-

quidem per inualetudinem licuit, cum voluptate. Quippe Federicus, quò libentiores illic Virginium retineret, Bononiā accerferat, præ ceteris, Claudium Achillinum, Philosophum ac Poëtam, opinione quidem omnis Cisalpinæ Galliæ maximum, & Petrum Poterium rei Chemicæ egregium artificem, quibuscum alternas horas hilare ac iucundè transigebat. Ac breui tantùm de veteri suâ sœutiâ morbus remiserat, vt vox etiam, quam pituitæ, vel alterius cuiusvis humoris defluvio ulceratae fauces iam olim intercluserant, ad officium rediret, vt Elegiâ quadam ad Cynthium Clementem sibi ipsi effusè gratulatur. Nam ceteris eius virtutibus non leui ornamento erat mira indoles, & dexteritas ad Poësim, præcipue Latinam, in quâ Tibullum, Propertiumque, eruditorum iudicio, feliciter expressit elegiaco carmine. Italicis etiam numeris se exercuit, adductus consuetudine Ioannis Ciampoli, qui eo præcipue ornamento aditum sibi ad laudem, & ad potentiorum lumen patefecerat. Sed quamuis Virginius profiteretur maximè omnium probari sibi Ciampoli venam & characterem, longè tamen diuersâ viâ vterque illorum ibat ad carmen. Virginius æquabile & temperatum sequebatur scribendi genus, perspicuum, graue, simplex, quod serior rem ageret, & in quo Latij veteris incessum facile agnosceres; in Ciampolo liber spiritus, noua omnia, concitata, grandia, inaudita, plena periculi & audaciæ ad Pindarum aspirantis, quæ propterea

propterea omnem ad se raperent admirationem theatri. Quam scribendi rationem perperam imitati postea, qui se Pindaricos dici volunt, intam absurdos errores inciderunt, ut ex plurimis, quæ aliquot ab hinc lustris irrepserunt in Rem publicam literariam hærefes, nulla, ut viri quidem sapientes iudicant, fœdius Italicæ iuuentutis ingenia corruerit. In his, quæ scripsit maternâ linguâ, multa reperiuntur etiam amatoria, satis pro argumento verecunda & sobria: quæ tamen Auctor postea improbavit, tamquam imbecillâ adhuc ætate scripta: & superat eorum numerus, quæ hominem philosophum, & à vulgi erroribus alienum magis deceant, quæque Christiano Poëtâ digniora videri possint. Quâ etiam in re securus est Ciampoli auctoritatem suadentis, honestissimam secum prouinciam susciperet, ad meliorem frugem moresque reuocandi Etruscas Musas, quæ, nonnullorum viatio, nihil iam sancti aut casti haberent, sed cuiusuis è vulgo libidini prostitutæ in obscenis tantum & procacibus argumentis occuparentur. Virginius itaque à iuuenili licentiâ ad grauiora stylo conuerso, moralis Philosophiæ præcepta, quod nemo adhuc ante ipsum ex propenso fecerat, aggressus est carminibus tradere, ut etiam profitetur Ode illâ, quæ Proœmium inscribitur. Et quia ad informandos optimis moribus animos duplii præcipue viâ ac ratione niti oportet; ad honesta videlicet incitando illos, & reuocando à turpibus; utramque

R 5

Virgi-

Virginius complexus est: illam quidem pluribus Odis-(cantiones nostri vocant) ad varios amicos scriptis; hanc verò nonnullis Satyris Luciliano aceto perfusis, in quibus ætatis suæ vitiæ perstrinxit acriter: quandoque etiam personis potentia vel dignitate illustribus, quâ erat animi libertate ac spiritu, in os inuolare non dubitauit; sed animi tantum gratiâ, & experiundi eo in argumento ingeni, non quod vlli mortalium inuri notam suis carminibus vellet. Ceterum quod fideliores literis suis operam daret, in superiorem paternæ domus contignationem secesserat. nec eò quemquam ferè admittebat, præter illos, qui pari erga Musas animo essent, paribus studijs ducerentur. Hos enim ad se venientes omnibus humanitatis officijs excipiebat: cum his differere, lectitare, conuiuari, deambulare, dies integros commorari: cum eisdem communicare lucubrationes suas, impensè priùs rogatis, diligenter animaduerterent, & si quæ minus probarent, atroci stylo effoderent. Quorum quidem nonnullos alienâ ope & præsidio indigentes aluisset etiam domi suæ, vt solebat sœpè desiderare, si per tenuitatem rei domesticæ licuisset. Verum cùm bonorum paternorum summa vnâ cum Ducatu Ciuitatis Nouæ in Picenis, alijsque in agro Latino oppidis, ad grandiorum natu fratrem, more apud nobiles familias recepto, peruenisset; ipse tertio loco genitus eam pecuniam annuatim percipiebat, quæ cùm per se ipsa satis exigua erat, tum

tum verò parùm attentè administrata, vt ij faciunt, quibus seriò occupatis in studijs literarum ingrata omnino atque odiosa accidere solet rei familiaris procuratio, ægrè in annuos sumtus suppeditabat. Quò fiebat, vt graui se nonnumquam ære alieno obligaret; quod posteà Dux ipse ad arcendam notam, quæ in se etiam redundasset, molesto quidem animo, sed exsoluebat tamen. His angustijs vt obuiàm aliquando iret, litem cum eodem Duce instituerat, quâ petebat, vt liberalior sibi in singulos annos pensio decerneretur, prout vltimis illis temporibus maior facta fuisset accessio ad patrimonium Cæsarinae familiæ, ad cuius facultatem respexissent Maiores sui, cùm secundo loco genitis annuos præscriberent redditus. Sed Mapheus Cardinalis Barberinus, quem ingenij ac studiorum similitudo Virginio, quamvis longè natu minori, familiarissimè coniunxerat, ei persuasit, vt omni contentione sublatâ, quietè cum fratre & concorditer viueret; quòd ita deceret præclarum virum, eaqué esset certior ratio extorquendi ab illo pecuniam. Eo interim in otio, & quasi malaciâ literarum, non licuit Virginio diutiùs viuere, ipsum inter Cubicularios intimos cooptante Gregorio XV. operâ Ioannis Ciampoli, qui Pontificio nomine exarabat epistolas ad Principes. Is vbi ad illum honoris gradum est admotus, nihil habuit antiquius, quam vt significationem aliquam Virginio daret grati animi, & beneficiorum memoris, quæ plurima

ab

ab eo, insigniaque acceperat. Erat Gregorio à secretis, in ijs quæ ad statum curamque Republicæ pertinent, adeoque non mediocri auctoritate & gratiâ in aulâ florebat Ioannes Baptista Agucchius Bononiensis, vir cùm ceterà clarus, tum verò scribendi Italicè, & rerum per literas gerendarum laude clarissimus. Eius commendatione Ciampolus sicut ipse in eum locum peruererat, ita facile est consecutus, ut Virginius ad eum, quem diximus, honoris gradum ascenderet. Sunt qui credant, Virginium, vbi primùm in Palatium pedem intulit, veteris instituti oblitum cogitare cœpisse de anteuentâ purpurâ Alexandro fratri, cui quamuis tenuioris ingenij homini, tamen vti & natu grandiori, & aliquot iam annos constituto in publico munere, deberi potius is honos videbatur: tantumque breuî vel suâ industriâ, vel amicorum ope profecisse, ut cùm Gregorius lento quidem, sed graui conclamatoque morbo implacetur, ad illustrandam præclaro aliquo facinore memoriam extremi temporis, de Virginio Cardinali creando in primo conuentu Senatus, vnâ cum duobus alijs viris ornatissimis, Agucchio ipso, & Angelo Cæsio, consilia inirentur, quæ tamen Pontificis mors citius, quam credebatur, consecuta discusserit. Alij verò postremæ quidem parti assentiuntur: quod verò pertinet ad præripiendum fratri honorem, commentos fabulam putant aulicos homines, Virginium non ex ipsius virtute & altitudine animi metien-

metientes , sed ex moribus , & naturâ imperitæ
multitudinis , quæ adduci numquam potest, vt
minimè credat insanire eos homines, qui nihil
ducunt præclarious vitâ rectè sapienterque tra-
ductâ. Adduntque , Virginium non repugnan-
tem potius , quam volentem pertractum fuisse
in Aulam Pontificiam, clamante subinde Ciam-
polo , indignum esse viro magnanimo , præser-
tim philosopho, cùm scias humanam societatem
mutuis officijs contineri , nullam velle Reipu-
blicæ partem attingere ; cumque literarum adeò
sis amans, occasiones auersari illas , quibus lite-
ræ poliuntur : non prætermittendam opportu-
nitatem iuuandi amicos, & industrios homines,
nec ea munera recusanda, quæ, nisi à probis viris
sapientibusque occupentur , improbis & iniu-
stis , magnâ cum Dei offensione, reique publicæ
incommodo , sint committenda. Mortuo Gre-
gorio , & in eius locum Yrbano Octauo Pon-
tifice renunciato, statim eius Cubiculo Virginius
præficitur : idque tribusffe Vrbanum opinio fuit
non tam veteri benevolentia, quâ eius indolem
ab ineunte adolescentiâ complexus fuerat, quam
recentibus eiusdem erga se meritis. Cùm enim
Mapheo Cardinali Barberino dudum subirati
Hispani essent, suæque erga illum voluntatis non
obscuras dedissent significationes; ægrè illi , vt
existimare quiuis facile potest , ad Summum
Pontificatum aditus patuisset , nisi Virginius à
Francisco de Castro Regis Hispaniarum ad Pon-
tificem Oratore , & Didaco Saauedra, qui con-
silio-

270 VIRGINII CÆSARINI

filiorum omnium Francisco particeps erat, sæ-
pius vrgendo impetrauisset, æquiore in tantum
Virum animo esse vellent, & auctores fieri, vt is
cum Rege Catholico in gratiam rediret. Iam
olim enim Virginius, manuducentibus literis, &
re Poëticâ, insinuauerat se in utriusque illorum
familiaritatem, quemadmodum etiam Mapheo
egregiè conciliauerat Gasparem Cardinalem
Borgiam Hispanicæ factionis moderatorem ac
ducem, qui quamquam durior ad hæc studia
videbatur, facile tamen suauitate morum Iuuenis
nobilissimi, & miræ in tractandis concilian-
disque animis dexteritatis ita captus est, nihil vt
effet, quod non eius causâ faceret libentissimè.
Certè si in Pontificibus creandis quicquam hu-
manæ op̄i tribuere fas est, ac non potius sola tam
arduo in opere & sacrosancto Voluntas Diuina
dominatur, egregiè meritus de Urbano Octauo
Virginius eo facto videri potuit. Ad eum tamen
fortunæ gradum tantam animi æquitatem &
modestiam attulit, vt eorum qui apud Urbanum
aliquo loco essent, nemini minus licere videre-
tur: tantumque absuit, vt eos imitaretur, qui ad
potentiam opesque ex insperato euecti efferun-
tur fastidio quodam & contumaciâ; nullum vt
suauiores ex eo loco fructum percipere se fate-
retur, quām subleuandi veteres amicos, eos præ-
cipue, qui destituti re familiari, ingenio, & literis
abundarent. Itaque breui illo tempore, quo in eâ
dignitate vixit, eorum quām plures, prout cuius-
que conditio ferebat, aut in familijs virorum

Prin-

Principum, aut honesto aliquo in munere collocauit. Aliquos etiam apud se retinuit: in his Augustinum Mascardum, quem Parmæ cognitum, hospitis & contubernalis loco habebat; & Franciscum Balduccium, cuius operâ vtebatur in scribendis epistolis, virum ad Poësim omnino factum, si acrioris limæ labor, & vberior cognitio artium optimarum ad eius ingenium accessisset. Alios verò, qui cùm nihil domi pingue habarent præter ingenium, inani tamen scientiæ opinione inflati, sèculum incusabant, vt ferè fit, quòd iacere literas pateretur, molliter atque urbanè admonitos erroris, in quo erant, hortari solebat, relictis studijs literarum, aliam omnino artem magis accommodatam humeris suis, aliud vitæ genus aggrederentur. Eaqué Virginij libertas meliora suadentis, multis, qui nullam in tanti Viri dictis subesse fraudem poterant suspicari, saluti fuit. Tam illustri loco positum Virginium, cùm publica expectatio, tum verò Urbanus ipse Purpuræ destinabat. Verùm quod illi aliena mors paulò antè abstulerat, sua tunc abstulit. Nam intra vertentem annum, ex quo Pontificio Cubiculo præerat, extremâ iam macie confectus, fato, quod iamdiu forti erectoq; animo operiebatur, tandem concessit, Kal. Aprilis, anno M.DC.XXIV. Constanſ autem opinio fuit, mortem illi maturauisse Præfecturam Cubiculi, cui vt frequens adesset, adeoque palam Pontifici faceret, se integras ad purpuram vires allaturum, affecto corpori, & quietis indigenti minimè parceret.

ret. Virginij quidem mortem adeò grauiter tulisse fertur Vrbanus, vt per aliquot dies, vbi de illo mentio incideret, lacrymas non haberet in potestate: & cùm Alexandrum Virginij fratrem Cardinalem creauit, professus sit, se potius Virginij memoriæ, quām Alexandri promeritis illum honorem tribuere. Quām carus autem circuitati fuerit, mœrore funeris indicatum est. Senatus enim, Populiisque Romani decreto, in Palatio Capitolino statua illi posita est, doloris publici testis, cum inscriptione Ioannis Ciampoli:

V I R G I N I O
CÆS A R I N O
Q V I R I T I V M S A P I E N T I S S I M O,

C VI T A N T A I N G E N I I V I S ,
V T D O C T V S E T I A M H A B E R I P O S S E T
S I N E L I T E R I S ;
T A M A M P L A . L I T E R A R V M S V P E L L E X ,
V T A D M I R A T I O N E M M O V E R E P O S S E T
E T I A M S I N E I N G E N I O :
Q V E M T A M Q V A M V R B I S M I R A C U L V M ,
E T N O B I L I T A T I S O R N A M E N T V M
T V M I N D I G E N Æ , T V M C O N V E N Æ P H I L O S O P H I ,
P O E T Æ , E T R H E T O R E S I N V I S E B A N T ,
S V A Q V I S Q V E D E C O R A

IN

IN HUMANISSIMO MOECENATE MIRANTES:

CIVIS IVVENTUTI

PERTINAX DOCTRINARVM STVDIVM

SENILIS PRUDENTIAE

GLORIAM COMPARAVIT,

IVVENILIS VALETUDINIS ROBVR ERIPVIT:

QVI FACTVS ADOLESCENTIBVS

EXEMPLAR VIRTUTVM, ET PARENTIBVS

MENSURA VOTORVM,

NONDVM TRIGESIMVM ANNVM INGRESSVS

MORTEM OCCVBIT IN VATICANO,

SAPIENTIVM LVCVBRATIONIBVS,

ET PRINCIPVM LACRYMIS ILLVSTREM:

CVI PONTIFICII CVBICVLI PRÆFECTVM AGENTI

VRBANVS VIII.

ECCLESIASTICÆ PVRPVRAE DECUS

A PRÆPOPERA MORTE.

EREPTVM FVISSE CONQUESTVS EST:

EIDEM PVBLICIS EXEQVIIS COHONESTATO

S. P. Q. R.

ANNVENTE PONTIFICE,

INTER TRIVMPHALES DVCES IMAGINEM

ET MONVMENTVM DECREVIT,

NE MINVS LITERARVM GLORIA,

QVAM ARMORVM,

CAPITOLIVM DECORETVR.

Appa.

274 VIRGINII CÆSARINI VITA.

Apparatissimo funere elatum ad D. Mariæ de Arâ cæli, Alexander Gothifredus S. I. Patri-
tius Romanus pro concione laudauit. Humori-
starum item Academia Virginio (qui honos, ex
instituto illius loci, viris tantummodo famâ in-
genioque maximis haberi solet) iusta persoluit,
Augustino Mascardo clari iam tum nominis
Oratore verba faciente. Cuius Oratio excepta
de more est à Poëtarum carminibus, quorum
magna pars eruptum sibi Mœcenatem suum
certatim dolebant, veroque luctu, non ad
ostentationem ingenij simulato, funus profe-
quebantur.



VIR.